



Brev dato: 03-12-2025

Inatsisartunut ilaasortaq
Pele Broberg, Naleraq

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Free, Prior and Informed Consent pillugu § 37 naapertorlugu apequt nr. 185-mut akissut

Asasara Pele Broberg

Ulloq 29. oktober 2025 Inatsisartut Suleriaasianni § 37, imm. 1 naapertorlugu Naalakkersuisunut apequteqarputit. Apeqqutit uannut akineqartussanngorlugit innersuunneqarput.

1. Inoqarfinni – taakkunannga aamma Nuummi – sakkulerngusaannissamut sakkulernissamullu tunngasunik aalajangiisimanerit sioqqullugit, sooruna Nunatsinni Nunap inoqqaavinut pisinnaatitaafiit naapertorlugit, aalajangiinissaq sioqqullugu ilisimatitsinissamut piumasaqaataasoq, tuluttut taaguutilik “Free, Prior, and Informed Consent” (FPIC), sooruna tamatumani malinneqarsimanngitsoq?

Akissut:

Naalakkersuisut inuiaat kalaallit qinigaattut naalakkersuisutut, taamaallutillu Kalaallit Nunaanni nunap inoqqaavisa naalakkersuisut 2024-2033-mut danskit illersornissamut isumaqatigiissutaatut akuliutinneqarput. Inatsisartut Nunanut allanut Sillimaniarnermullu Ataatsimiititaliaat ingerlaavartumik akuutinneqartarlunilu, illersornissaq pillugu isumaqatigiissutip imarisaanik oqaaseqarnissamut qinnuigineqartarpoq. Tamatuma saniatigut aamma partiit isumaqatigiissummik oqaaseqarfiginninnissamut periarfissinneqarput. Taamaattumik suliame matumani Naalakkersuisut pisussaaffii, tassani naqisimaneqanngitsumik sioqqutsisumik paasitinneqarnikkullu akuersinermik (FPIC), Naalagaaffiit Peqatigiit Nunap Inoqqaavisa Pisinnaatitaaffiit Oqariatuutaannik (UNDRIP), taamatullu aamma ILO-mi isumaqatigiissummik 169-mik periutsit ilanngullugit suliame matumani eqquutsinneqartut Naalakkersuisut isumaqarput.

2. Naalakkersuisut Nunap inoqqaavinut pisinnaatitaaffiit, tassannga FN naapertorlugu nunap inoqqaavisa pisinnaatitaaffii (UNDRIP), aamma ILO-169 Kunneqarfik Danmark aqqani inatsisaasup, sutigut tamatigut malinnissaannut pisussaaffeqarpat?

Akissut:

Kalaallit Nunaanni Namminersorneq pillugu Inatsimmi § 16 malillugu nunat tamat akornanni pisussaaffiit, soorlu ILO-mi isumaqatigiissut nr. 169 malinneqarnissaasa qulakkeernissaat Naalakkersuisut suliassaraat, ingammik oqartussaaffiit tiguneqartut iluanni.

Tassunga atatillugu UNDRIP-p nunap inoqqaavi inuiaallu naggueqatigiit pillugit ILO-mi isumaqatigiissut nr. 169-tulli naalagaaffiup innuttanut pisussaaffiatut pituttuisumik isumaqatigiissutaannginnera oqaatigineqassaaq. Tamannali UNDRIP-ip ataani pisinnaatitaaffinnik periutsinillu takuneqarsinnaasunik Naalakkersuisut naalakkersuinerminik ingerlatsinerminni aqutsinerminnilu ataqqinninnissamik pingaartitsinnginnerattut paasineqassanngilaq.

Namminersorlutik Oqartussaannerminik 2009-mi atuutilersitsineq ILO-mi isumaqatigiissummi 169-mi kiisalu UNDRIP-ip ataani takuneqarsinnaasutut nunap inoqqaavisa pisinnaatitaaffinnik atulersitsinertut Naalakkersuisut isigaat. Taamaammat pisinnaatitaaffinnik ILO-mi isumaqatigiissummi nr. 169-miittunik UNDRIP-imiittunillu paasinninneq, Kalaallit Nunaat ullumikkut namminersortutut oqartussaaffeqarneranik, taamaalillunilu naalagaaffiup innuttanut pisussaaffiini aalajangersakkat ataanni inuiattut nammineq aalajangiisinnaasutut, immikkoortuni amerlasuuni inatsisiliornerminik pissaanermillu ingerlatsinerminik tiguisisimanerannik aallaaveqartinneqassasoq Naalakkersuisut isumaqarput.

Inussiarnersumik inuulluaqqusillunga



Vivian Motzfeldt